

TOJ chhut-khan 1 nī (kè-siòk)

Taⁿ, lán TOJ chhut-khan bóan 1 nī, lán Lô-má-jī Gián-sip-hōe mā “seng-lí” jú chò jú tōa! Lán sui-bóng bô sím-mih chíⁿ, mā khiàm kha-chhiú, m̄-kú lán mā sio-kāng ē kè-siòk koh khok--lòh--khi. M̄-nā án-ne, lán í-keng kā Lōe-chèng-pō sin-chhéng hó-sè, beh chò TLH(Tâi-ôan Lô-má-jī Hiáp-hōe, kán-chheng Tâi-lô-hōe, TLH). Lán àn-sng beh ti 8 gòeh 19 chèng-sek sêng-lip. Lán beh iōng ūn-tōng, kàu-hák/gián-kiù kap siá-chok/chhut-pán 3 ē hong-hoat lâi lô-lék. Koh khah ñg-bāng lán Gián-sip-hōe ē ché-hiaⁿ chò-hóe lâi siá. Siá-chhut lí ē hoaⁿ-hí kap pi-siong; mā siá-chhut lí ē kià-bāng kap kī-thāi. Kā lán chit-tē Tâi-ôan-lâng ē iáⁿ-jiah lâu-lòh-khi hō lán ē kiáⁿ-sun thang chai-bat. Mā thè chit-liáp tē-kiú lâu-lòh pó-kùi ē gí-giân kap büt-chióng!

Bô Chhin-chhiūⁿ..lâng*Babuza Chū*

Bô chhin-chhiūⁿ..lâng! Chit-kù-ōe sí góan a-bó tiāⁿ kóng ē òe. Kàu chit-má góa ē ìn-siōng iáu chiok chhim, chiok chhim!

Góan sè-hàn ē sí, ka-kéng chiok báí. Nā iōng siòk-gí lâi kóng, sí sán kàu kúi kiōng beh liáh--khi. M̄-tiòh, góan sán kàu kúi mā m̄-káⁿ lâi liáh! Kiaⁿ liáh góan khi ē ke-thiⁿ in ē mâ-hōan kap hū-tam!

Góa iáu ē kì--tit, góa ē tē-it kha chheh-pau sí pát-lâng sàng..ê. Hit-chūn góa thák sió-hák 4 nī. Tī he chìn-chêng, góa ē chheh lóng iōng kin-á pau, ná-chhiūⁿ pau-hók-á leh, chhiú kōaⁿ. Chit-má kā khòaⁿ--khí--lâi, kài-sêng beh tòe-lâng-cháu hit ē khoán-sit. Lâng sàng..góa hit-kha chheh-pau sí lâng iōng chin kú koh phòh-kô-kô, bô ài tih..ê. Góa thèh-tiòh hit-kha chheh-pau ē sí sí hoaⁿ-hí kàu kiōng beh sí--khi! Góa tī hia tōa-siaⁿ jiáng kóng góa ū chheh-pau..ah. Koh kui-ê lâng lóng tiòh--khí--lâi. Kàu chit-má góa koh kì-tiâu-tiâu. Góa ē iân-pit áp-á mā sí pát-lâng hō..góa..ê. He sí chhâ chò..ê. Kòh iōng thoah..ê. Tī hit-ê 1960 nī-tāi, beh ū chit-kài iân-pit áp-á m̄-sí tàk káu-cháu lóng chò ē kàu..ê. Chì-chió tī góan ē tông-òh hia góa khòaⁿ--tiòh..ê sí án-ne. Ū chit-kài iân-pit áp-á sí chin iāng ē tãi-chì! Lâng sàng..ê mā kāng-khóan! Góa chhēng ê khò sí góan a-pa chhēng phòh..ê chiah kái hō khah té hō góa chhēng. (Hit-ê sí-tāi góan lóng bô chhēng lâi-khò!) Saⁿ mā sí án-ne. Phó-thong góan tī chhù--nih lóng bô chhēng-saⁿ, thng pak-theh. Beh khi hák-hāu á-sí chhut-gōa chiah chhēng-saⁿ.

Sán kàu sím-mih thêng-tō ? Lí khó-lêng bô ài sìn! Put-sí to ài kā lâng chioh! Chioh bí, chioh chíⁿ, chioh ke-si

(chhiūⁿ kòng-thui-á, kì-á). Chhām sé sin-khu iōng ê tōa kha-tháng mā sī ài kā lāng chioh! Cheng-chha m̄-bat kā lāng chioh ang, chioh kiáⁿ niá! Góa tiāⁿ-tiāⁿ khòaⁿ-tiòh góan a-bó khiā tī lāng ê m̄ng-chhùi, “Láu-jī..ê, lí kám ũ? Gō-cháp-khō poah..góa hó--m̄?” Thâu-á góa thiaⁿ bô “poah” sī sīm-mih ì-sù? Bóe-á chiah chai-íⁿ sī “chioh”. Góa thak-chheh ê hāk-hùi ũ sī sī tong-òh koan..ê! Iáu ē kì-tit thak gō-nī sī góan pan ê tông-òh koan cháp-gōa-khō hō..góa. Hit-chūn ê chù-chheh chit hāk-kī ài gō-cháp-khō, hō-chò tãi-pān-hùi. Góa thak chhō-tiong tē-it hāk-kī ê chù-chheh chiⁿ 400 gōa khō (chù-chheh, bé chheh-pau kiam khò-pún li-li khok-khok) mā sī góa ê chhin-chiāⁿ hiahⁿ i ê se-chong khi tng chiah ũ..ê!

Kóng kàu chia, “bô chhin-chhiūⁿ..lāng” chit-kù-ōe lí tãi-khài ē-tàng ke-kiám thē-hōe--chit--sut--á chiah tiòh! Só-í góan a-bó ē án-ne kóng chóat-tùi m̄-sī “bô pēⁿ teh khau-chhan”.

“Bô chhin-chhiūⁿ..lāng” ũ ñng chióng ì-sù: 1, bô chhin-chhiūⁿ lāng, chhin-chhiūⁿ ti, káu; 2, bô chhin-chhiūⁿ pát-lāng.

Tē-it ê ì-sù sī: lāng bô sēng lāng, put-kóan sī chhēng, chiáh kap tóa, lóng bô-sēng sī lāng, ná-chhiūⁿ sī tông-bút! Che sī chí it-poahⁿ sēng-óah bút-chit ê hiáng-siū.

In-ūi án-ne, góan chha-put-to lóng hoat-iòk put-liông, ñg-sng-tháng koh sán-pi-pa. Chin khó-lēng thau-náu mā bô tit-tiòh chēng-siông ê ēng-ióng kap hoat-tián. Bòk-kòai góan ê sēng-chiū bô kōan!

Tē-jī ê ì-sù sī: bô chhin-chhiūⁿ pát-lāng. Pát-lāng ũ chhù thang tóa, ũ saⁿ thang chhēng, ũ hó-mih thang chiáh, ũ hó miā-siaⁿ koh ũ siā-hōe tē-ūi. Ē tit-tiòh lāng ê chun-tiōng. Góan lóng bô! Góa ê sió-tī bat in-ūi chhēng-chhah phò-làm phò-sàm hō in hāk-hāu ê lāu-su kā thí-chhiò, hāi i tùi hāk-hāu chit-lō khau--tng--lái!

Kàu chit-má góa gō hiaⁿ-tī sui-jiân lóng chò i-sēng, ũ kò-tēng ê siu-jip, mā ũ siā-hōe tē-ūi kap hó miā-siaⁿ; m̄-kú góa thau-khak-té mā tiāⁿ-tiāⁿ phū-chhut hit-sī ê hēng-íⁿ kap hōe-ek, siūⁿ-tiòh iáu-sī ē sim-sng kap kha-ńg!

NEWS

1. Tâi-ôan Lô-má-jī Hiáp-hōe(TLH) tī 2001/4/1 tiàm Ko-hiông tiâu-khui Hoat-khí-jîn Hōe-gī. Hōe tiông sóan chhut Tiuⁿ Hòk-chū I-su chò Hōe-tiúⁿ, chiap-sòa tiū-pī tiâu khui Hōe-góan Tãi-hōe.
2. Tēⁿ Chóng-pian-chip/Koa Pian-chip beh tī 2001/7/8 tī Pîn-tong kú-hēng kiat-hun-sek.